

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Hortvs Ciceronianvs sive Flores Apophthegmatum &
Historiarum e Scriptis Ciceronis in Vsum &
delectamentum Studiosae pubis excerpti**

Omeis, Magnus Daniel

Norimbergae, 1699

1. Adamvs

urn:nbn:de:bsz:31-105410

••••• 0 •••••

HISTORIAE BIBLICAE

ex

GEORGII FABRICII *Chemnicensis*

Historiarum Sacrarum Libris IV prioribus selectæ.

I. ADAMVS.

ADAM primus homo, ex limo terræ, verbo Dei creatus, motu Spiritus Sancti animam accepit viventem: quia non solum in hoc mundo degeret, sed gloria etiam Dei (*sive gloria prius a Deo parata*) in cœlis frueretur. Conditus ad imaginem Dei atque æternitatem, & totius orbis terrarum factus Rex atque dominus, animantes numerat atque nominat, factam ex se mulierem

d 6 statim

HISTO.

statim agnoscit; cum qva in rerum omnium copia & felicitate vivens, diaboli fraude & ejus fvasu deceptus, Dei mandatum violat, eumque iratum nuditate perspecta fugit & aversatur: verum a Deo ipso revocatus, peccatum agnoscit & deplorat, & ipsius clementia plenam consolacionem accipit, edita promissione illustri de semine mulieris, caput serpentis veneficum seculis futuris omnibus contrituro. Ejectus autem possessione horti uberrimi, labores injunctos patienter tolerat; & quamvis miseriis omnibus tota vita, & deinceps morti esset obnoxius, tamen spem promissione divina non abjicit, & in Ecclesia ad patrem usque Noæ, annis nongentis & triginta de Filio Dei docet, suosque posteros ad spem immortalitatis & vitæ æternæ erigit atqve animat. A Deo bona promissa & ipse fide complectens,

& alios

& alios ea sapientia de cœlis profecta
instruens, cum posteritate credente
servatur.

2. *EVA.*

Eva e viri dormientis latere atqve
costa, Dei manu virgo producitur,
ornataqve specie eximiæ pulcritudi-
nis, ipso Deo auctore & pronubo,
ad virum deducitur. Dos fuit, ve-
ra Dei agnitus & integritas: domici-
lium, amoenissimus hortus, & huic
adjunctum in omnes res conditas,
tam animatas, qvam non animatas,
imperium: victus, arborum fruges,
ac plantulæ salubres: & monstratus
a Conditore fonticulus: amictus
vero innocentiae & sanctitati nullus.
Hæc blanditiis diaboli inducitur, ut
oblita mandati arboris vetitæ pomū
carpat, idemq; viro gustandum por-
rigat. Sua igitur temeritate viro victū
asperum & sudores, sibi dolores par-
tus & servitutem peperit; omnemq;

d 7 post-